



Anthon Frederiksen, Inatsisartuni ilaasortaq, Partii Naleraq
/-Maani

Indgået

14 MAR. 2016

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Akiitsunik isumakkeerinnitarneq pillugu § 37-ikkut apeqqummut akissuteqaat

Asasara Anthon Frederiksen

Allakkap ullulerneqarfia:

10-03-2016

Suliap nr. 2016 - 4422

All. nr.: 2273294

P. O. Box 1037

3900 Nuuk

Oqarasuaat +299 34 50 00

Nassitsigasuaat (+299)34 63 50

E-mail: oed@nanoq.gl

www.naalakkersuisut.gl

Inuit Namminersorlutik Oqartussanut akitsoqalersimasut, akiliisinnaassuseerus-simasullu, akiitsuminnik isumakkeerfigineqarsinnaanerminnut periarfissaqarpat?

Soorunami aallaavik unaasariaqarpoq tamatta pisortanut akiitsuvut akilertariaqarivut, apeqqutaatinnagit akiitsut meeqqanik paaqqinnitarfinni inissanut akiligassaanersut imaluunniit akileraarutinut akiitsuunersut. Aralalinnili pisoqartarsinnaavoq, taakkunani inuit ima inissismalersinnaasartut akiitsuminnik taarsersuillutik akiliisinnaanissaat ajornarluinalersarluni. Taamaattumik inatsisiliornikkut akiitsut isumakkeerneqarsinnaanerinut aralinnik periarfissaqarpoq.

Taamaasiorsinnaanermut nalinginnaasumik periarfissaq akiitsunik suujunnaarsitsisarneq pillugu akiliisinnaajunnaarneq pillugu inatsimmi malittarisassani nassaassaavoq.

Akiitsunik suujunnaarsitsisarnermi akitsoqartup pisortanut namminersortunullu akiitsui pineqarput. Akiitsunik suujunnaarsitsinissamut piumasaqataasut ukuupput akiitsulim-mik upternarsarneqassasoq, ukiuni qaninnerpaani akiitsulimmit akiitsutigut pisussaaffigisat akilersinnaaneqanngitsut, kiisalu akiitsulimmit pissutsit atugaasut oqaatigigaat akiitsunik suujunnaarsitsisoqartariaqartoq. Akiitsunik suujunnaarsitsisinnaanermut inatsisitigut aalajangiineq Kalaallit Nunaanni Eqqartuussivimmit aalajangiunneqartarpoq imaassinjaallunilu akiligassallip akiitsui annikillisinneqarsinnaasut imaluunniit taamaitneqarsinnaasut. Akiitsunik suujunnaarsitsinermut nalinginnaasumik periarfissap saniatigut inatsisiliornikkut arlalitsigut suli periarfissaqarpoq Namminersorlutik Oqartussanut akiitsunik isumakkeerfigineqarsinnaanermut. Assersuutitut oqaatigineqarsinnaavoq, akileraarutinik isuma-ginninnej pillugu Inatsisartut inatsisaat naapertorlugu akileraarutigut akiitsut isumakkeerneqarsinnaanerinut periarfissaqarmat. Aamma Namminersorlutik Oqartussanit inissianut taarsigassarsinermut tunngatillugu akiitsunik isumakkeerneqarsinnaanermut periarfissaqarpoq, kiisalu nunalerinerlik inuussutissarsiornerup siuar-sarneqarnissaa pillugu Inatsisartut inatsisaat naapertorlugu nunalerinerup tungaatigut inuussutissarsiornerup siuarsarneqarnissaanut taarsigassarsianik isumakkeerneqarsinnaanermut periarfissaqarpoq. Assersuutitut taaneqartut tamakkiisuunngillat tassami immikkoortuni inatsisiliornerni allani aamma periarfissaqarmat akiitsunik assigiinngitsunik isumakkeerneqarsinnaanissamut.

Taamaasillunga upternarsarsinnaavara, inunnut akiliisinnaassuseerussimasunut akiitsunik isumakkeerneqarsinnaanermut periarfissanik peqarmat, aammalu periarfissat tamakku immikkoortuni inatsisiliornerni assigiinngitsuni ilaatigut nassaassaammata.

Taamaattumik neriuutigaara, akissutiga tamakkiisutut isigisinnaassagit.

Inussiarnersumik inuulluaqqusillunga.

Randi Vestergaard Evaldsen